

Sakspapir

Saksnr	Utvalg	Type	Dato
012/19	Formannskapet	PS	24.01.2019

Saksbehandler	Arkiv	ArkivsakID
Olav Mongstad	FE - 223	18/1013

Søknad om tilskot frå næringsfondet Mongstad Industrier

Vedlegg:

Søknad om tilskot frå næringsfondet
Oversendingsmail - Søknad om tilskot frå næringsfondet
Søknad om tilskot - Resultatbudsjett Mongstad Industrier AS
Søknad om tilskot - Oversikt maskiner - utstyr eiendeler Mongstad Industrier AS
Søknad om tilskot - Kontrakt husleie Mongstad Industrier AS
Søknad om tilskot - Fremleieavtale Mongstad Industrier AS
Søknad om tilskot - Firmaattest Mongstad Industrier AS
Søknad om tilskot - Presentasjon Mongstad Industrier
Søknad om tilskot - Oversikt kostnader profilering - markedsføring - IT - oppdatering av systemer
Mongstad Industrier 2018

Framlegg til vedtak:

Austrheim formannskap løyver 25 000 kr til søknaden frå Mongstad Industrier. Kostnaden vert dekkja frå konto 14900, ansvar 8000, tilleggsloøyvingar etter formannskapet si avgjerd.

Formannskapet - 012/19 - 24.01.2019

FS - behandling:

Formannskapet diskuterte om saka skulle handsamast i ope eller lukka møte. Det var semje i formannskapet om at dette skulle vera ei open sak, og dei dokumenta (vedlegg til søknaden) som var unnateke offentlegheit vart difor ikkje delte ut.

Assisterande rådmann Olav Mongstad orienterte om søknaden, som kom inn i desember 2018.

Mongstad har orientert søkarane med at dei tildelingane som er gjort tidlegare har vore i storleik 20.000 til 30.000 kroner, og i denne saka er det tilrådd støtte på 25.000 kroner, der støtta mellom anna er grunngjeve med at det er tale om eit lokalt tilbakekjøp.

Siri Kaland (Ap) etterlyste ein større diskusjon om kva ein skal bruka desse midlane i næringsfondet til, og viste til at det for større bedrifter vert meir ein klapp på skuldra. Jan Erik Espelid (V) viste til at det er tale om lokale arbeidsplassar. Jorund Stellberg (Uavh.) var oppteken av det var ei bedrift som heldt til lokalt. Anne Dahle Austrheim (KrF) sa det var ein viktig symboleffekt å gje støtte. Hardy Pedersen (Ap) viste til at dette var del av ein større finansieringspakke for bedrifta.

Samrøystes vedtak i formannskapet.

FS vedtak:

Austrheim formannskap løyver 25 000 kr til søknaden frå Mongstad Industrier. Kostnaden vert dekkja frå konto 14900, ansvar 8000, tilleggsløyvingar etter formannskapet si avgjerd.

Saksopplysninger:

Bakgrunn

Austrheim kommune reviderte retningslinjene for næringsfondet i 2015. Det er ikkje sett av egne midlar i budsjettet, men formannskapet har tidlegare løyvd frå sin budsjettpost på ansvar 8000.

Retningslinjene seier m.a. dette under prioriteringar:

1. Prioriteringar

Tiltak som skal prioriterast spesielt:

- Industriutvikling.
- Gründerar og nyskaping.
- Reiseliv og havsport.
- Kompetanseutvikling.
- Profilering og samarbeidstiltak.

Fondet skal nyttast i samsvar med prioriteringar i gjeldande strategisk næringsplan for Austrheim og Lindås og strategisk næringsplan for Austrheim med fokus på reiseliv og havsport. Næringsfondet skal primært støtte tiltak innanfor følgjande to hovudområde:

a) Støtte til bedriftsutvikling/etablering:

- Etablering av ny verksemd.
- Tiltak i eksisterande bedrifter som kan føre til økt sysselsetting.
- Opplæring, marknadsføring, produktutvikling og kompetanseutvikling.
- Fondet kan støtte omstilling/endingstiltak som kan bidra til vekst og utvikling.
- Tiltak som fremjar nyskaping og innovasjon.
- Tiltak som fremjar samarbeid mellom bedrifter.
- Elevbedrifter/Ungdomsbedrifter.

Mongstad Industrier, som er lokalt eigd, har kjøpt opp tidlegare Caverion. Dei har overtatt

leigekontrakten for industribygget og skal endre tidlegare Caverion sine forretningsområde. Caverion dreiv innanfor:

Elektro

Rør

Ventilasjon

Mekanisk industri.

Av dette skal Mongstad Industrier sentrere si verksemd rundt mekanisk verksemd.

Mongstad Industrier blei starta 01.11.2018 i samband med kjøpet av Caverion. I søknaden seier dei at eventuelle midlar frå næringsfondet skal nyttast til kostnader med omprofilering, IT, marknadsføring, og ny sertifisering.

Søknaden budsjetter med slike utgifter på desse områda:

Type kostnad	NOK
Profilering	77 539,50
Marknadsføring	89 650,00
IT	81 595,00
Oppdatering av system	353 775,00
Sum kapitalbehov	602 559,50

Finansiering

Eigne midlar	200 000,00
Etablerarstipend, søknadssum	402 559,00
Sum	602 559,00

Det vert søkt om stønad til utgifter som kjem inn under prioriteringane i retningslinjene.

Vurdering

Mongstad Industrier er lokalt eigd. Etter ei tid der fleire bedrifter i området har vorte seld ut av kommunen/Nordhordland, er no altså denne bedrifta kjøpt tilbake. Å støtte slik lokal industriutvikling er eit argument for å stette søknaden. Det er og heilt etter kriteriene for bruk av midlar. Å vere med å byggje opp ein lokal industri som satsar i hovudsak innan mekanisk, er eit sentralt tiltak. I tidlegare tider har Austrheim og Mongstad-området hatt slik mekanisk industri som har tatt mange oppdrag inn mot oljeindustrien. Slik Mongstad Industrier beskriv sitt segment, kan det vere eit godt supplement til industrien som alt er etablert i området.

Økonomi – eventuell finansiering av støtte

I budsjettet er det ikkje sett av eigne midlar til næringsfond. Budsjettet for 2019 er svært anstrengt. Ei eventuell tildeling må formannskapet sjå i forhold til dette. Det er sett av 150 000 kr. til formannskapet sin disposisjon. Førebels er det ikkje løyvd noko av desse midlane.

Konklusjon

Rådmannen ser nytten av den lokale etableringa, rådmannen ser og den svært anstrengte økonomiske situasjonen kommunen er i. Som konklusjon tilrår ein formannskapet å løyve 25 000 frå sin budsjettpost til søknaden. Viss formannskapet følgjer tilrådinga, vil det stå att 125 000 kr til formannskapet sin disposisjon for resten av 2019.